



महायान बुद्धधर्म  
नेपाल द्वादश तीर्थ व्रत



# महायान बुद्धधर्म

[स्वयम्भू पुराणया छन्दु अंश]

नेपाल तीर्थ व्रत

पुस्तकम्



संग्रहकर्ता

पं. वै. आशाकाजी वज्राचार्य

भयननि बल ।

प्रचारक  
स्थविर (आजु) प्यल्लस हिरण्यवर्ण महाविहार  
श्री बुद्धराज शाक्य  
नागबाहा, छेको, यस ।

बुद्ध सम्वत् २५२४  
नेपाल सम्वत् ११०१  
विक्रम सम्वत् २०३७

[ सर्वधिष्कार संग्रह कर्ता ]

द्वितीयवार १०००

धाकूथि:-  
वागमती छापाखाना  
नागबाहा, बनबाहा यल  
फोन २१-८४७

## बुद्धवचन यथार्थ खँ

द्वापर युगे स्वयम्भू दर्शन यायत गौडदेशं नेपाल  
भ्रमण याना विज्यात्त खत्रि जाति बौद्ध विद्वान् प्रचण्ड  
देव राजा स्वः ।

छन्दु थःगु इच्छानुसारं स्वयम्भू बुद्ध पूजादि  
सिधेका थथे चिन्तना यात । कलियुगे थुगु स्वयम्भू मूर्ति  
अज्ञानि मनुष्यपिसं स्यंके फुः । जिनं यत्न याना तोपुये ।  
थथ्ये विचार याय् थुंका गुणाकराचार्य यात शिक्षा त्रिया  
विज्यार्थे जितनं फोने घका गोपुच्छपर्वते चोना अधिष्ठान  
याना महामंजुश्री गुरूया शिष्य जुया विज्यात्त ।

तथागत ज्ञान ह्यापालाक उयसंपदा श्रावक भिक्षु  
जुया हानं प्रत्येक महायान स्वयम्भू धर्मस चोना क्रमशः  
चूडाकर्म थुंका, वज्राचार्या भिष्येक शिक्षा प्राप्त याना  
शान्तिकराचार्य धार्थ्येयात्त वज्राचार्य वज्रयान गुरू जुया

(भा)

तन्त्र मन्त्र सहज यान ध्यंक उच्च पदया ज्ञान त्परीका,  
द्वापरयुगे ह्वापालाक ध्व महायान चर्यया व्रतयाना  
कयना विज्यात ।

पीठ उपपीठ, रमशान उपरमशान, सेवायाना, उपो-  
षठ व्रतयाना वंचले आरम्भनिस्ये समाप्त यावले वज्रदेवी  
स्वरूप कुमारी साधन याना पूजादि यावले ह्वापायापिं  
तथागत पुनः मंजुश्री गुरुया वचन पालन याना मदिरा  
मांसाहारया अधम क्रिया निषिद्ध याना पूजादि सिधेका,  
थःगु मनोरथ पूर्ण ज्वीका बुद्ध सिद्धि प्राप्त याना ज्योति-  
रूप स्वयम्भू मूर्ति तोपुया सकल यात उगु स्थाने चोना  
धर्मोपदेश विया विज्यात ।

अनंलि अनसंतु शान्तिपुर धर्मागार गुह्यालय आगंछे  
(दिगि) देकेविया दुने गोप्य रूपं गुंगु ६ कोथास थःचोना  
चिन्तामणि तः प्वागु मत च्याका योग समाधिस चोना  
विज्यागु थौतक दिव्यमान जुया चोन तिनि ।

ध्वखं वृहत्स्वर्यभू पुराणे वांलाक उन्लेख जुया  
चोंगु दु । भीसं सीके योग्यजुः आदि बुद्ध परम गुरु वज्र

सत्त्व भगवानया उत्तम वज्रयान चर्यं स्वः । मंजुश्री गुरु  
द्वारा शान्तिकरा चार्यं द्वापरयुगे, शाक्यमुनि बुद्ध जन्म  
मज्जुवं हे वज्रयान चर्यं धारणयाय धुंकल । श्वहे ज्ञान  
स्वः ब्रह्म हित व सुख ज्वीगु तथा थःगु मनोरथ पूर्ण  
ज्वीका बुद्ध सिद्धिया ज्ञान लायत् थुगुरीतं याय् फेकेमा  
धका लिपा कलियुगया प्रथम चरणे जन्म जुया विज्यात्म  
शाक्यमुनि बुद्ध धै विज्याना वंगु महायान सद्धर्मो पदेश  
अमृतवाणी सद्धर्म पुण्डरीक सूत्र, तथा लंकावतार सूत्र,  
म्येम्पेगु ग्रन्थेनं थथ्ये उल्लेख जुया चोंगु दु ।

मद्यमांस महापानं भक्षणं च विवर्जयेत् ।

उपोषधेऽपि सद्धर्मे समाप्तं प्रतिपालयेत् ।

आमीषया मुलगु न्या ला तथा पूजायाना अथवा  
नेगु तोनेगु अधम क्रिया, उपोषध व्रत करुणामय, आर्य  
तारा, वसुन्धरा, चैत्यव्रत, वंला पूजादि सद्धर्म चर्ये  
त्रिरत्न शरण आरंभ निर्ये समाप्त थ्यंक निषिद्ध याना  
(तोता) व्रत पालन याये फत धासा बुद्ध सिद्धि प्राप्त  
ज्वी । मयात धासा असिद्धि ज्वी ।

शुजागु बुद्ध वचन (अमृत वाक्य) पालन याना,  
 त्रेतायुगे क्रकूळन्द बुद्धया शिष्य, सर्वज्ञमित्राचार्य गुरु  
 जुया रत्न कोसवती देशया राजा रत्न केतुयात ह्यापालाक  
 चैत्य व्रत याकल । थ्वहे गीतं दीपंकरया वचन न्यना  
 सर्वानन्द राजा इन्द्र पृष्ठ राजापिसं चैत्य व्रत, वंला पूजा  
 सम्यक दान न्हापालाक याना वन । एवं रीतं, स्वभाव  
 शुद्ध ज्वीगु शील धरेयाना न्हापा लाक उपोषध देवपुत्र,  
 उपोषध राज कुमारं उपोषध व्रत याना वन । थय्येहे  
 सीका श्रीपुर नगरया सूर्योदय राजां वसुन्धरा व्रत न्हापा-  
 लाक याना वन ।

तथागत वचनानुसारं चर्ययाना वंगुलिं थुपिं बुद्ध  
 भुवने वास याना दानं जन्म मरणया दुःखं मुक्त जुल ।

एवरीतं वर्तमान भीसनं सीकेमागु खः तथागत वचन  
 महायान सद्धर्म पुण्डरीक वैपुन्यसूत्र, १३ परिवर्त,  
 श्लोक १०

ये चापि विविधान् प्राणिन् हिंसेयु भोगकारणात् ।  
 मांसं सूनाय विक्रीन्ते संस्तवं ते विवर्जयेत् ।



सुनां थःगु स्वार्थीया लागी विविश्र प्राप्तिपिन्त  
स्याना ला मिया व्यवहारया भोगयाइ थुमिग संगत  
समेत बुद्धयान सद्धर्म चर्ये चोंपिसं याय् मज्जु तोते फेके  
मा ।

महायान लंकावतार वैपुन्यसूत्र = अध्याय श्लोक १

मद्यं मांसं पलाण्डून् मच्चयेयं महामते ।  
बोधिसत्त्व महासत्त्वैर्भाषित्वि जिन् पुंगवैः ।

हे महामति बोधिसत्त्व छं बांलाक सीकि, मदिरा  
मांस व्याज छा लाभा, थुजागु दुर्गन्ध अशुचि अयोग्य  
वस्तु बुद्धयान सद्धर्म चर्य ब्रत कर्मस सेवनयाना नेगु  
तोनेगु योग्यमजुः । थथ्ये न्हापा जुया वंप्पि बुद्ध बोधि-  
सत्त्व बौद्ध विद्वाँन् आचार्यपिसं धया वंगु दु ।

ये चापि परमं घोरं नरकं पाप कर्मिणः ।  
रौरवादिषु रौद्रेषु पच्यन्ते मांसखादकाः ।

सुनां थुजागु योग्य बुद्धवचन मिचेयाना पापकर्म  
याका नकि थः पिसंनं नै तोनि, थुजापि लिपा भयंकरगु

( ॐ )

नरके भोगयाना दुःख ज्वी । बुद्धयान सद्धर्म चर्ये निपिद्ध  
याय् मागु, मयास्ये मांस मदिरा नइ तोनि, थुपिं रौरव  
आदि भया नकगु नरके दुःख भोगयाना पाक जुइ ।

### दुर्गति परिशोधन तंग-पत्र ३३

नमद्यं पेय मांसादि भक्षं नैवकदाचन ।  
सत्त्वाना महितं कार्यं त्याज्यं रत्न त्रयंनमः ।

मदिरा तोनेगु मांस नेगु सत्व प्राणि पित्त हित  
मजुगु ज्या धकासीका, त्रिरत्न शरण वना व्रत आदि  
पूजा याय् बले गुबर्ले सेवन याये मखुः धयागु परिणामना  
याना अहित वस्तु त्यागयाये फेका त्रिरत्न पित्त नम  
स्कार याय्गु योग्य ज्वी ।

ध्व बुद्धयान बुद्धवचन बुद्धचर्य स्वः धयागु ज्ञान  
सीका मुनां पालन याइ क्रमशः बुद्ध सिद्धि लाना मोक्ष  
फल प्राप्त ज्वी अवश्य जुल ।

थुगु बुद्धधर्म नेपाले प्रचलित जुया सकसिनं मानेयाना  
वया च्वंगु उपोषय व्रत करुणामय (अमोधपाश) लोकेश्वर

( ५६ )

तथा त्रिरत्न शरण वना अष्टमी पतिं तीर्थे स्नान याय  
धुंका चैत्य नाग पूजायाना थःथःगु थासे चोना अष्टशील  
धारण याना व्रत यायगु या नियम व विधान संक्षिप्त मात्रं  
चोयागु थुगु सफु दान याना विज्याह्व स्थविर (आजु) पद  
लाय् धुंकुह्व यल नागवाहा छेकोस विज्याह्व बुद्धराज  
शाक्यजुया सपरिवारपिं सकलें मोक्ष प्राप्त जुइमा धयागु  
जिगु आशा दु । जय अस्तु ।

पं. वै. आशाकाजी वज्राचार्य

अयननि, यल ।





स्थविर (आजु) प्यसा हिरण्यवर्ण महाविहार  
श्री बुद्धराज शाक्य जन्म १०२० ने. सं.  
नागवाहा, छेको, यल ।



## जिगु धायेगु निगु शब्द

भगवान बुद्धं उपदेश याना विज्यागु धर्मं हे जक  
भीसं क्लेश क्षय याना हाकनं जन्म व मरणया घःचाले  
हित्तुहिले मालिई मखु. प्यंगू आर्य सत्य, च्यागू आर्य-लं  
व प्रतीत्य समुत्पाद वस्पोलं कना विज्यागु उपदेशया मू-  
लपु जूगुलिं दुःखेलाना च्यंपिं सकल मनुष्यपिन्त उपकार  
जुइगु वसपोल यागु उपदेशयात छयलेत शील, समाधि व  
प्रज्ञा वःकया थ्वहे जन्मे मोक्ष प्राप्त यायेत महायान धर्म  
न्यछयला विज्यात । थ्वहे सिलसिलाय भी थाय् नेपाले  
अष्टमी व्रत पालन याना, भिन्निगु तीर्थे घनं दना, अष्ट  
वीतराग बोधिसत्व पिनिगु उपासना याना च्याह्ल लोकेश्वर  
पिनि महिमा सियेका, प्यंगः पवित्र चैत्यराज दर्शन याना  
थ्व जीवन भिकेगु कुतः न्हापांनिसे जुया वया च्यंगु खः ।

पं. बै. श्री आशाकाजी वज्राचार्यजुं भी सकल  
निर्वाणकामी उपासक उपासिकापिनिगु निम्ति अति मेहेनत  
याना च्या विज्यागु थ्व अष्टमी व्रत, द्वादश तीर्थस उपा-  
सना यायेगु बिधि, इतिहास व धर्म सम्बन्धी स्वयम्भूपुराणे

आधारित सफू प्रकाशित यायेगु मौका प्राप्त जुगू जिगु  
अहो भाग्य घका भापिया ।

यल, नागबहालया नांदंगु बौद्ध संस्था तारेमां संघया  
आयोजनाय् ११०१ ने. सं. या मुखः अष्टमी खुन्हुनिसें  
प्रारम्भ जुइगु अष्टमी व्रत यागु शुभ उपलक्षे थ्व सफू  
प्रकाशित याना सद्धर्मे दोहलपागु जुल । सकल उपासक  
उपासिकापिन्सं थ्व सफू व्वना अष्टमी व्रते व्वति कया  
निर्वाण प्राप्त यायेगु कुतः याना विज्याई दिई घैगु मनं  
तुना ।

थ्व सफू प्रकाशित यायेगु सौभाग्य प्राप्त याका  
विज्याह्म पं. वै. आशाकाजी वज्राचार्य यात दुनुगलंनिसें  
घन्यवाद देछाया ।

स्थविर (आजु-प्यह्मह्म) श्री बुद्धराज शाक्य,  
हिरण्यवर्ण महाविहार, काबाहा  
नागबहाल, छेको, यल ।

तिथि:- कार्तिक शुक्ल अष्टमी १९०१ ने सं.

मिति:- ३० गते, शनीबार २०३७



नम स्तस्मै भगवतेऽर्हते सम्यक्संबुद्धाय,  
वसपोल भगवान् अर्हत् सम्यक संबुद्ध यात नमस्कार

## महायान बुद्ध धर्म

[ वृहत् स्वयम्भू पूराण या छगु अंश ]

## नेपाल तीर्थ व्रत

पुस्तकम्



## त्रिरत्न वन्दन

नमो बुद्धाय धर्माय संघरूपाय वै नमः ।

स्वयम्भूवे वियच्छान्त भानवे धर्मधातवे ।

बुद्ध धर्म संध (त्रिरत्न) यात नमस्कार । सूर्यसमान  
काश जुया प्राणिपिन्त सुख शान्ति उवीगु सद्धर्मज्ञानया

आनन्द मय रूपजुया विज्याह्म आदि बुद्ध स्वयम्भू धर्म  
धातु बागीधर महाचैत्य भगवान् पंच तथागत पित्त नम-  
स्कार । हानं सद्धर्मज्ञान श्रावक प्रत्येक महायान, तंत्र  
मंत्र सहज बज्रयान प्रभास्वर तथता सून्यता ज्ञान यथार्थ  
रूपं जगतो हिताय निर्मित प्रचार याना विज्याइपिं बौद्ध  
विद्वांन् पित्तनं नमस्कार ।

थनंनिस्थे द्वादश ( १२ ) तीर्थ ह्मसीके

## १. पुण्यतीर्थ (गोकर्ण)

थुगु तीर्थे अमोघ फलदायिणी व बागमती थ्व  
निगुतीर्थ होना चोंगु । न्हापां स्नान द्वाफोस्वां, दान  
सिजया लःथल व पिण्ड पात्र ।

फियाह्म चैत्य व नाग पूजायाये

गुंगु ( ६ ) फोनां संयुक्तह्म ह्याउह्म रक्तवर्णं तक्षक  
नागराज चैत्ययात वहया द्वाफोस्वाँ नाग यात दृष्टि  
मिखाकंके नाग छत्र तिये नागयात वह अथवा सिजया  
धातु अंगस गर्भतये । धूप पत्र केशर-दक्षिणा माणिक

रत्न, भोग कस्ति छाये प्रज्ञापार मिता पाठ, आर्य नामसं  
गीति बोने, ।

पीठ पूजा गौकर्णेश्वर दिग्पाल । थुगु तीर्थे पालं धाले  
फल अम्ब सहित, थुगु तीर्थे तक्षक नाग उद्धार जुया  
वंगु ।

थुगु तीर्थे स्नान यायेगु मेला श्रावण कृष्ण या अमावस,  
सोमवार, सन्हू खुन्हू । थुगु तीर्थे स्नान दान पाठ पूजादि  
व्रत यानागु पुण्य द्वाछिकः १००० यज्ञ होमार्चन यानागु  
तुन्य फल प्राप्त ज्वी जुल ।

## २. शान्ततीर्थ (गुह्येश्वरी)

थुगु तीर्थे मार दायिणी व बागमती थ्व निगु तीर्थ  
होना चोंगु । स्नान धालेस्वाँ दान सिजया थले न्याता  
बृही तया ।

फियाह चैत्य सहित नाग पूजा ।

न्हेगु (७) फोनां संयुक्तह तुयूह श्वेतवर्ण सोमशिखि  
नागराज । चैत्ययात बहया द्वाफोस्वाँ नागयात दृष्टि

मिखा कंके छत्र तिये । सुवर्ण धातु नाग यात अंगम  
गर्भ तये । धूप श्रोखण्ड-दक्षिणा हेल ( हेरा ) रत्न भोग  
तुयूगु हामो छायूगु थन तीर्थ पाल तुलसि गन्धर्व व्यूह  
पाठ आर्य नामसंगीति स्तोत्र बोनेगु ।

पीठ गुह्येश्वरी देवी दिग् पाल पूजा ।

थुगु तीर्थे पार्वतीदेवी, खगाननादेवी या शरण वया  
उद्धार जुया वंगु ।

थुगु तीर्थे स्नान यायगु मेला-भाद्रव शुक्लया प्रतिपदा  
बुधवार सँन्हू खुन्हू । थुगु तीर्थे स्नान दान पाठ पूजादि  
व्रत यानागु पुण्य, कन्या १०० दान यानागु तुल्य फल  
प्राप्त ह्वी जुल ।

### ३. शंकरतीर्थ (शंखमूल)

थुगु तीर्थे मणिरोहिणी व बागमती ध्वनिगु तीर्थ  
हौना चोंगु । स्नान लवनिफोस्वाँ, दान वहया चन्द्रमा  
मूर्ति धौ शंख पोंचा तुयूगु जाकि तुयूगु काप कपू कपाय् ।

फियाह चैत्य सहित नागमूर्ति पूजा ।

न्हेगु ( ७ ) फोनां संयुक्तल तुयूळ श्वेतवर्ण शंख पाल  
नागराजा । चैत्ययात वहया द्वाफोस्वाँ नागयात दृष्टि  
मिखाकंके छत्रतिये छल धातु नागयात अंगस गर्मतये ।

नागयात धूप कुंकुम-नाग दक्षिणा लात्ररत्न अथवा  
पन्ना । भोग तुयूगु हामो छाय्गु ।

पाठ दशभूमीश्वर-आर्य नामसंगीति स्तोत्र वेनेगु ।  
पीठ चामुण्डा दिग् पाल पूजा-तीर्थ पालं घालेफल ।  
थुगु तीर्थस गोपाल ब्राह्मण उद्धार जुया वंगु ।

थुगु तीर्थे स्नानयाय्गु मेला आश्विन शुक्लया तृतीया  
वृहस्पतिवार सँन्हू खुन्हू । थुगु तीर्थे स्नान दान पाठ  
पूजादि व्रत यानागु पुन्य किसि १०० दान यानागु तुल्य  
फल प्राप्त ज्वी जुल ।

## .४ राजतीर्थ (धंतिल)

थुगु तीर्थे राजमंजरी व बागमती थ्वनिगु तीर्थ होना  
चोंगु । स्नान इता थिता चाः । दान ह्मासु काप अन्नस-  
हित (बस्त्र)

## फियाळ चैत्य सहित नागमूर्ति पूजा

भिं छगु ( ११ ) फोनां संयुक्तळ सुरूप नागराज  
श्वेतवर्णं तुयूळ धकासीके । चैत्ययात वहया द्वाफोस्वां  
नागयात वहया दृष्टिं मिखाकंके । सुवर्णं धातु नागया  
अंगस गर्भतये ।

नाग धूप शिन्हाय-दक्षिणा माणिकरत्न, भोग पुवाकि  
अन्न छाये ।

पाठ समाधि राज, आर्य नामसंगीति स्तोत्र बोनेगु ।  
पीठ वाराही दिगपाल पूजा, तीर्थपालं तुलसि स्वाँ ।

थुगु तीर्थे विरूप कुमार उद्धार जुया वंगु । थुगु तीर्थस  
स्नान यायगु मेला-कार्तिक शुक्लयावृतीया शुक्रवार  
सँन्हु खुन्हु । थुगु तीर्थे स्नान दान व्रत पूजादि यानागु  
पुण्य सल १०० दान यानागु तुल्य प्राप्त ज्वी जुल ।

## ५. मनोरथतीर्थ (खुसींख्य)

थुगु तीर्थे विमला वती व केशावती थ्व निगुतीर्थ होना  
चोंगु । स्नान उफो स्वाँ दान सिजया कमंडलु । लःथल-

फियाह्न चैत्य सहित नागमूर्ति पूजा—

भिस्त्रगु (१३) फोनां सहितह्न चित्र विचित्र वर्णह्न  
कुलिक नागराजा । चैत्ययात बहया द्वाफोस्वां—नागयात  
बहया दृष्टिं मिखाकंके । नः धातु नागया अंगस गर्भ  
तये । नाग धूप गंगु-दक्षिणा कर्केतन रत्न—भोगसाध्य  
छायेगु । तीर्थपाल साचो (गोमूत्र)

पीठ मन्मती देवी दिगपाल पूजा । थुगु तीर्थ वासव-  
दत्ता सुन्दरी स्त्री उद्धार जुया, वंगु । थुगु तीर्थस स्नान  
यायेगु मेला मंसिर शुक्लया पंचमी शनिचरबार  
सँन्दु खुन्ह ।

थुगु तीर्थ स्नान दान पाठ पूजादि व्रतयानागु पुण्य  
रथ (वगी) १०० दान यानागु तुल्य फल प्राप्त ज्वी जुल ।

### ६. निर्मलतीर्थ (विलासः)

थुगु तीर्थे कुसमावती व केशावती थ्व निगु तीर्थ  
होना चोंगु । स्नान कलिहस्वाँ दान सुवर्ण तिसा अंगु—

फियाह्न चैत्य सहित नागमूर्ति पूजा—

न्यागु (५) फोनां संयूक्तञ्च पीतवर्णं (ह्यासुह्य) पलाल  
नागराजा । चैत्य यात वहया द्वाफोस्वाँ नागयात दृष्टि  
मिखाकंके । सुवर्णं घातु नागया अंगस गर्भं तये ।

पाठ सद्धर्म पुण्डरीक आर्य नामसंगीति स्त्रोत्र बोनेगु ।  
नाग धूप सुगन्ध वाल भोग साध्यः छायेगु । चैत्य यात  
सकभनं सुवर्णं दक्षिणा नागयात थन सुवर्णं चकि दक्षिणा  
जुल । तीर्थपालं गोमय (साखि) पीठ स्वभा भगवती दिग  
पाल पूजा ।

थुगुतीर्थे बज्रपाद ब्राह्मण, लिपा बज्राचार्य जुया  
उद्धार जुया वंगु । थुगु तीर्थस स्नान थायेगु मेला पौष  
शुक्लया षष्ठी मंगलवार सँन्हु खुन्हु । थुगु तीर्थे स्नान  
दान व्रत यानागु पुण्य छे वं दानयानागु तुल्य फल प्राप्त  
ज्वी जुल ।

## ७. निधानतीर्थ (कंगु खुसि, स्वयम्भुक्वे)

थुगु तीर्थे सुवर्णा वती व केशा वती थ्व निगु तीर्थ  
होना चोंगु । स्नान सिन्हायूस्वाँ दान पुस्तक (सफू)



फियाह चैत्य सहित नागमूर्ति अर्घ्य सहित पूजा—

न्यागु ५ फोनां सहितह मिजंह नन्द धैह नागराज,  
व म्येह न्हेगु ७ फोनां सहितह उपनन्द धैह नागिनी  
मिसाह (छजो) वां लार्पि निह नागराज पिन्त वहया दृष्टिं  
मिखाकंका नागछत्र तिये । चैत्ययात वहयागु द्वाफोस्वाँ  
तिये सुवर्ण व वह घातु नागया अंगस गर्भ तयेगु ।

नाग धूप कुंकुम-दक्षिणा माणिकरत्न, भोग ताय्  
छाय्गु । थन तीर्थ पालं सादुरू-पीठ कंगु देवी दिग  
पाल पूजा ।

पाठ तथागत गुह्यक, आर्य नामसंगीति स्तोत्र  
बोनेगु ।

थुगु तीर्थे दिन चूड कुमार उद्धार जुया वंगु ।

थुगु तीर्थस स्नान दान व्रत यानागु पुण्य, चत्र वुं  
थन सपत्ति दान यानागु तुल्य प्राप्त ज्वी जुल ।

थुगु तीर्थया स्नान याय्ग मेला माघ शुक्लया सप्तमी

आदित्य बार संन्हु खुन्हु जुल ।

## ८. ज्ञानतीर्थ (कन्हखुसि)

थुगु तीर्थे पाप नाशिनी व केशावती थ्व निगु तीर्थ  
होना चोंगु । स्नान याय्गु आख्य व कपूस्वाँ दान तुयुगु  
वस्त्रे जाकि तया ।

फियाह्न चैत्य नागमूर्ति पूजा अर्घ्य सहित । गंगु  
(६) फोना दुह्न स्वेत वर्ण तुयुह्न बासुकी नागराज ।

चैत्य यात वहया द्वाफोस्वाँ नागयात दृष्टि मिखाकंके  
छत्रंतियेगु ।

वह घातु नागयात अंगस गर्भ तयेगु—नाग धूप रूप  
केशर । दक्षिणा पुष्पराज । मोग सादुरू छायेगु ।

पाठ ललित विस्तर—आर्य नामसंगीति स्तोत्र बोनेगु  
तीर्थपालं साधौ । पीठ तंगे श्वरी देवी दिग्पाल पूजा ।

थुगु तीर्थे अज्ञान शोधनराजा उद्धार जुया वंगु ।

धुगु तीर्थस स्नान यायेगु मेला फान्गुण शुक्लया  
अष्टमी शनिचरवार सँन्हु खुन्हु ।

धुगु तीर्थस स्नान दान व्रत यानागु पुण्य गौ (मा)  
दान यानागु तुल्य फल प्राप्त ज्वी जुल ।

#### ६. चिन्तामणितीर्थ (पचली)

धुगु तीर्थ बागमती व केशावती ध्वनिगु होना चोगु  
खः । स्नान तुयूगु गुन्तु दान लुमार घोति (वस्त्र)

फियाह्म चैत्य नागमूर्ति पूजा

गुंगु (६) फोनां संयूक्तह्म तुयूह्म श्वेतवर्ण बरूण  
नागराज । चैत्ययात बहया द्वाफोस्वाँ, नागयात दृष्टिं  
मिस्त्रा कंकेगु । सुवर्ण धातु नागयात अंगस गर्भ तये ।

नाग धूप सुगन्धबाल, दक्षिणा हेलरत्न ( हेरा ) भोग  
आख्य छायेगु ।

पाठ सुवर्ण प्रभास आर्य नामसंगीति स्तोत्र बोनेगु ।

तीर्थ पालं साध्यः पीठ पचली दिगपाल भैरव तथा  
मातृका देवीपूजा ।

थुगु तीर्थे कोटिकर्ण कुमार उद्धार जुया वंगु । थुगु  
तीर्थस स्नान यायगु मेला चैत्र शुक्लया दशमी शुक्रवार  
सँहु खुह ।

थन तीर्थे स्नान दान व्रत यानागु पुण्य कन्या १००  
दान यानागु तुल्य फल प्राप्त ज्वी जुल ।

### १०. प्रभोवतीर्थ (दानिगा)

थुगु तीर्थे बागमती व रत्ना वती थ्व निगु तीर्थ  
होना चोंगु । स्नान पंचामृत-दान लकां कुशा ।

फियांझ चैत्य सहित नागमूर्ति पूजा

न्हेगु ७ फोनां संयुक्तझ स्वेतवर्ण तुयूझ पन्ननागराज  
चैत्य यात वहया द्वाफोस्वाँ नाग यात इष्टिं मिखा कंकेगु ।

नागयात छत्रतिये । नागयात वहधातु अंगस गर्भतये  
नाग धूप ध्यःबुला सुगन्ध बाल कपू । दक्षिणा पुष्पराज  
भोग प्रियंगु छायेगु ।

पाठ अपरिमिता आर्य नाम संगीति बोनेगु ।

तीर्थ पालं तुयूगु हामो-पीठ इन्द्राणी देवी दिग्पाल  
पूजा ।

थुगु तीर्थस दानासुर दैत्ये उद्धार जुया वंगु ।

थुगु तीर्थे स्नान यायगु मेला बैशाख शुक्रया  
द्वादशी बृहस्पतिवार सँन्हू खुन्हू ।

थन तीर्थस स्नान दान व्रत यानागु पुण्य पुत्रपुत्री  
दान यानागु तुल्य फल प्राप्त ज्वी जुल ।

## ११. सुलक्षणतीर्थ (भाजंग)

थुगुतीर्थे बागमती व चारूमती थ्व निगु तीर्थ होना  
चौगु । स्नान पंचगव्य-दान क्वापालकां तुतां क्वपु ।

## फियाह्म चैत्य नागमूर्ति पूजा

न्हैगु ७ फोनां सहितह्म श्वेतवर्ण तुयुह्म महापद्म  
नागराज चैत्ययात, वहया द्वाफोस्वां नागयात दृष्टिं  
मिस्वा कंकेगु । नागयात छत्रंतिये-वह धातु अंगस गर्भे  
तये । नाग धूप श्रीखण्ड-दक्षिणा मोति-भोग ताय् सादुरू  
पाठ प्रत्यं गिरा, आर्य नामसंगीति स्तोत्र बोनेगु ।

तीर्थपालं बेसिफल पीठ वैष्णवीदेवी दिग्पाल पूजा ।

थुगु तीर्थे (३२) अलक्षणाह्म विरूप कुमार उद्धार  
जुया वंगु । थुगु तीर्थेस्नान यायगु मेला ज्येष्ठं शुक्लया  
द्वादशी बुधवार सैन्हुखुन्दु ।

थन तीर्थे स्नान दान व्रत यानागु पुण्य पुत्री व गो  
(सा) दान यानागु तुल्य फल प्राप्त ज्वी जुल ।

## १२. जयतीर्थ (नेखुहों)

थुगु तीर्थे प्रभावती व बागमती निगु तीर्थ होना  
च्वंगु । स्नान श्रीखण्ड । दान सय्या (कुटुं व ज्वलं फुकं)

फियाह चैत्य सहित नागमूर्ति पूजा ।

न्हेगु फोना संयुक्तह तुयूह श्रीकान्ति नागराज  
मिसाम्ह- चैत्ययात बहया द्वाफोस्वां नागयात छत्र सिये  
नागयात बहया द्दटि मिखा कंके । नागयात सुवर्ण धातु  
अंगस गर्भतये । पाठ करुणा पुण्डरीक आर्य नामसंगीति  
बोनेगु ।

धूप कस्तुरी-दक्षिणा मोतिरत्न । भोग तुयूगु हामो  
छायगु । तीर्थ पाल व्या व तःसि (श्रीकल)

थन श्रीकान्ति नागराज उद्धार जुया वंगु । सत्य  
नाग अकाल मृत्युं मुक्त जूगु ।

थुगु तीर्थ स्नान यायगु मेला आषाढ शुक्लया  
त्रयोदशी सोमवार सँन्ह खुन्ह । देह दान यानागु तुन्य  
पुण्य प्राप्त ज्जी जुल ।

थनतक द्वादश (१२) तीर्थ व्रतया खँ जुल ।

अष्ट ८ वैतराग उपतीर्थया खं ह्यसीके १

थुगु तीर्थ मणिचूड दहंपुखु-द्राफोस्वांनं स्नान मैत्री  
बोधिसत्व स्वरूप-चैत्यपूजा-न्हेग फोनादुल्ल यचुल्ल हुलुहुलु  
नाग मूर्ति अर्घ्यसहितं पूजायाये ।

दान पिण्डपात्र - सायामूर्ति - सिज अथवा वहले  
किया । थुगु स्थाने मणिचूड राजकुमार उद्धार जुयावंगु ।

२ गोकर्णेश्वर-गोकर्ण

थुगु तीर्थ स्नान अश्वेस्वां गगन गंजं बोधिसत्व  
स्वरूप महादेव, दिग्पाल । चैत्यमूर्ति कियाह्य गुंगु फोना  
६ दुल्ल ह्यागुग्ह तत्तकनागराज अर्घ्य सहित पूजा ।

सिजया थले न्याता वृहीतया दान । थन गोकर्णेश्वर  
राज कुमार उद्धार जुया वंगु ।

३ कीलेश्वर सकोचंगु

थन समन्तभद्र बोधिसत्व, लुयूगु गुन्तुन स्नान, वस्त्र



गौ मूर्ति दान । वचुक्ष कुलिक नागराज न्हेगु फोनादुक्ष  
ध्वया स्त्री ६ फोनाक्ष शीतानागिनी चैत्य मूर्ति सहित  
पूजा । थुपिं छजो नाग नागिनी उद्धार जुया वंगु ।

#### ४ कुंमेश्वर यल कौति

थन वज्रपाणि वोधिसत्त्व स्वरूप महादेव चिन्ह स्नान  
पारिजात स्वांनं स्नान । शिधा अन्न दान । गुंगु ६  
फोनादुक्ष तुयूक्ष वालसुकी नागराज । थन सर्वपाल न्हापा  
ब्राह्मण जाति, लिपा वज्राचार्य जुया उद्धार जुया वंगु ।

#### ५ गोपालेश्वर फंपि-लिउने

थन मंजु घोष वोधिसत्त्व स्वरूप महादेव चिन्ह  
स्नान सिन्ध्यास्वां-न्याता फलमूल दान, न्हेग ७ फोना  
दुक्ष तुयूक्ष महाबल नागराज । गोपाल ब्राह्मण उद्धार  
जुया वंगु ।

#### ६ फणिकेश्वर-फंपि नारायन स्थान

थन सर्वणीवर्ण विस्कुंभि वोधिपत्त स्वरूप चिह्न

महादेव । स्नान तुलसि स्वां-दान चाकु अथवा साख ।  
 न्हेगु ७ फोना दुह वचुह कर्वुद नागराज । थन गोपाल  
 ब्राम्हण लिपा वदियाना चायं जुया उद्धार जुया वंगु ।  
 फंफि वज्रयोगिनी साधन याना बिज्याम्ह खः ।

७ गन्तेश्वर-गर्नेश्वर नं धाइ- (कच्छपाल चोभा)

थन क्षिति गर्भ बोधिसत्व स्वरूप महादेस चिन्ह ।  
 आनन्दादि लोकेश्वर तथा न्हेगु(७)फोना दुह तुयूह वरूण  
 नागराज चैत्यमूर्ति सहित पूजादि अर्घ याये । उफोस्वां  
 नं स्नान-भाजंग तीर्थे स्नान याइगु नं चलन दु । सिजः  
 थले वातया दान । थन कामधेनु सा उद्धार जुया वंगु ।

८ विक्रमेश्वर (गोपुच्छ पर्वत स्वयंभू लिउने)

थन आदीश्वर नं धाइ- खगर्भ बोधिसत्व स्वरूप  
 चिन्ह महादेव । चँ स्वानं स्नान- पिण्डपात्र, दीप, दान  
 गुंगु ६ फोना दुह वचुह अनन्त नागराज, चैत्य सहित  
 पूजादि अर्घ्य याये । थन वदियाना चार्य (बज्राचार्य)  
 सिद्धा रूपं तप याना उद्धार जुया वंगु ।

थुलि अष्ट वैतरागया खँ जुल ।

स्वयंभू भगवान् प्यंगु स्थान द्वसीके—

(१) स्वयंभू भगवान् आदि बुद्ध चैत्य, मञ्जुश्री  
स्थान गोपुच्छ पर्वत (२) खास्ति बौद्ध चैत्य मूर्ति  
(३) बन्देजु बरेगां चैत्य मूर्ति (४) नमो बुद्धाय नमरा  
चैत्य मूर्ति ।

च्याह्न ८ लोकेश्वर स्थान द्वसीके—

भृष्टिकर्ता लोकेश्वर	करुणामय यल	१
आनन्दादि लोकेश्वर	चोभा	२
आर्यावलोकितेश्वर	जनवाहा ये	३
जटाधारी लोकेश्वर	तंगवाहा यल	४
खसर्प लोकेश्वर	ध्यमी अथवा त्वाय्वाहा	५
हरिहरवाहन लोकेश्वर	सकोचंगु	५
पद्मनाथ लोकेश्वर	खवप	७
अमोघपाश लोकेश्वर	नाला	८

पञ्च बुद्धपिनि स्त्री व पुत्रपिंगु नामावली—

वैरोचन तथागत — लोचनीतारा — विश्वपाणि बोधिसत्व  
 अक्षोभ्य " — मामकीतारा — वज्रपाणि "  
 रत्नसंभव " — पाण्डितातारा — रत्नपाणि "  
 अमिताभ " — आर्यतारा — खड्गपाणि "  
 अमोघसिद्धि " — कमलातारा — पद्मपाणि "

×

×

×

सप्त तथागतपिनि स्त्रीपिं व पुत्रपिं

सत्ये — विपश्चिवुद्ध विपश्यन्तीदेवी महामति बोधिसत्व  
 " — शिखिदिवुद्ध शिखिमालिनीदेवी रत्नधर "  
 त्रेतायुगे — विश्वभूवुद्ध विश्वधरादेवी आकाशगर्भ "  
 " — क्रकूळन्दवुद्ध ककुत्रिवतीदेवी सकलमंगल "  
 द्वापरे — कनकमुनिवुद्ध कण्ठमालिनीदेवी कनकरत्न "  
 " — काश्यपवुद्ध धर्मधरादेवी आनन्दराहुल "  
 कलिस— शाक्यमुनिवुद्ध यशोधरादेवी राहुलभद्र "

लिपा जू विज्याइल भगवान बुद्धया जन्म

हानं कलि १०००० भिदल वर्ष पुलेवं आः तुसिता-  
भुवने विज्याना चोंल बोधिसत्वपिनि राजा, मैत्री महा  
बोधिसत्व गुरु मर्त्यलोके वाराणसी (काशी) देशे ब्राह्मण  
उच्च कुले राजवंशे जन्म कया २० वर्षे गृह त्याग याना  
नागवृक्ष व तालवृक्ष सिमाक्वे ८ वर्षतक तपचर्य आस्फान  
योगयाना ४ मारपिन्त त्याका अनन्त गुणनिधि भगवान  
बुद्ध धाय्का शाक्यमुनि बुद्धं थ्ये धर्मोपदेश याना जगत्  
हित याना विज्याइ ।

थ्व समेत कलियुगे नं निम्ह तथागत ज्वी । छगु  
छगु युगे निम्ह निम्ह तथागत (बुद्ध) पिं ज्वीबले च्याम्ह  
भगवान बुद्धपिं जुया विज्याइ धका भूत भविष्य वर्तमान  
यागु धर्मोपदेश कना विज्याम्ह शाक्यमुनि खः ।

थ्व खं फुकं महासुगता वदाने उन्लेख जुया चोंगु  
दु—महायान वैपुल्य सूत्र नवव्याकरण उत्तमग्रन्थ शाक्य  
मुनि बुद्धोपदेश बृहत स्वयंभू पुराण अध्ययन याय् मफुपिं

पुनः खं न्यने नं मधुनिपिसं महायान धर्म न्यनकि मिखा  
 तःतःगो ज्वीगु स्वभावपिं नं दु । दानं महायान धालकि  
 मांस नेगु मद्यपान यायगु धका लेः ताहिं नं दु । थय्मे  
 मिथ्यादृष्टि (बिपरीत) जूगु कारण, महायान सूत्रया ज्ञान  
 उपदेश वीपिं गुरू अभाव जूगु व थःपिसं अध्ययन याना  
 सीके मफुगुलिं खः धका विद्वांन वर्गपेसं धया वन ।

बुद्धधर्म सद्धर्म चर्य निर्वाण प्राप्त ज्वीगु मोक्ष मार्ग  
 खः । बुद्ध धर्मया चर्ये, शील समाधि प्रज्ञा म्हसीका,  
 दशअकुशल पाप तोता, दश सुकुशल पुण्यस पला तथा  
 आर्य्यअष्टांग मार्गे न्हावनेगु ज्याय् मांस मदिरा तापाकेगु  
 हे उत्तम धर्म खः धका वैपुण्य सूत्रे उल्लेख जुया चोंगु  
 दु ।

सकभनं मङ्गल जुया जगतो हिताय कामना याना  
 प्रचारयापिंगु मनोरथ पूर्ण जुया बुद्ध सिद्धि प्राप्त ज्वीमा  
 धयागु इच्छा याना, संग्रहयाम्हसिनं थुलि मात्र खं चोया  
 सिधेका जुल । सकलया शुभ ज्वीमा सदानं जय अस्तु ।



## लेखकया प्रकाश जूगु सफूत

---

- १) बुद्ध-वृष जन्म कथा
- २) सूर्योदय राजाया कथा
- ३) स्तोत्र दर्पण
- ४) नेपाल वर्ष क्रिया
- ५) बुगद्यो नेपाले हःगु वंशावली
- ६) गुणवती कथा
- ७) नेपाल भाषा देव स्तोत्र
- ८) अन्त्य शान्ति क्रिया पुस्तकम
- ९) सर्वानन्द नृप जातक
- १०) सुरदत्त कथा
- ११) नेपाल तीर्थ व्रत
- १२) महायान बुद्ध-धर्म दर्शन
- १३) आर्यतारा स्तुति परित्राण पाठ
- १४) द्वादश तीर्थ व्रत